



BOSNA I HERCEGOVINA

БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0027287 25
Sarajevo, 19.12.2025.godine

SUD BOSNE I HERCEGOVINE
- Sudiji za prethodno saslušanje -

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

O P T U Ž N I C U

PROTIV:

ADIN KUKULJAC, zvani „Bobo“, rođen. 1998. godine u Sarajevu, državljanin BiH.

Što je:

Dana 02.07.2025. godine, nakon prethodnog dogovora sa njemu poznatom osobom, radi sticanja protupravne imovinske koristi, u namjeri nedozvoljenog prevođenja stranih državljana preko državne granice BiH u Republiku Hrvatsku, na području Sarajeva preuzeo grupu od sedam osoba, državljana Turske, iste smjestio u kombi i prevezao do neposredne blizine državne granice BiH sa Republikom Hrvatskom, u mjesto Galići, općina Posušje, znajući da će te osobe biti prokrijumčarene iz BiH u Republiku Hrvatsku nedozvoljeno preko državne granice, postupajući protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog i organizovanog kriminala („Sl. glasnik BiH“, broj: 37/02) i članu 9. stav 2. Zakona o Graničnoj kontroli („Službeni glasnik BiH“, broj: 7/25), gdje je nakon što je dovezao u mjesto Galići, općina Posušje kombi vozilom sedam državljana Turske, u neposrednu blizinu granice sa Republikom Hrvatskom, a koji su imali namjeru da nezakonito pređu državnu granicu između BiH i Republike Hrvatske, na mjestu koje nije predviđeno za prelazak državne granice, bio spriječen od strane Granične policije BiH koji su kombi vozilo zaustavili u mjestu Galići, Sektor A2, općina Posušje u 16:30 sati u neposrednoj blizini državne granice sa Republikom Hrvatskom, te

je kontrolom utvrđeno da je u kombi vozilu kojim je upravljao Adin Kukuljac, nalazilo sedam državljana Turske, među kojima „{...}“, nakon čega je Adin Kukuljac lišen slobode.

Dakle, s ciljem sticanja protivpravne imovinske koristi, zajedno sa njemu poznatim osobama učestvovao u pokušaju nedozvoljenog prevođenja preko državne granice više lica stranih državljana.

Čime je počinio krivično djelo Krijumčarenje ljudi iz člana 189. stav 1. KZ BiH i sve u vezi sa članom 26. i 29. istog Zakona.

T U Ž I L A C
TUŽILAŠTVA-TUŽITELJSTVA BiH